



Hugs at søknadsfristen om ulike tilskot er alt i morgon eller seinare i veka.

Alt i morgon, måndag 12. mars er fristen for å søkja gåve frå SpareBank 1-stiftinga i Kvinnherad. Stiftinga lyser ut og tildeler gåver to gonger i året. Kvinnherad kommune har lyst ut tilsaman 9 tilskot som gjeld arbeid med kultur, idrett og friluftsliv. Søknadsfristen på denne type kommunal tilskot er anten 15. eller 19. mars.

Sparebankstiftinga deler ut gåver til ålmennyttige føremål. Alle søknader må sendast elektronisk på eige skjema. Mange gode tiltak har motteke gåve til no. Det største prosjektet så langt er vel Gull av grus. Lagshusa våre,- Helgheim, Bedehuset, Vonheim og Gamleskulen har søkt før og er løyvd midlar. Mange andre gode tiltak har også fått tilskot. Uskedalen.no kjenner til mange gode prosjekt, utan at vi nøyaktig veit kven som har søkt i denne omgang.

Nokre av dei kommunale tilskota er reviderte og fått nye namn. Det som før vart kalla Byggetilskot, heiter no Kommunalt investeringsstilskot. Underskotsgaranti vert no definert som Prosjekt og arrangementstilskot. Festivaltilskotet er som før. Det same er Driftstilskot til frivillige organisasjonar som driv kulturarbeid for born og unge.

Meir informasjon finn de på kommunen si heimeside.

Tekst/foto/nett: Kristian Bringedal